



Broj: 01-07-10-269-9/2024
Datum: 11.7.2024. godine

Izveštaj o zaprimljenim i riješenim zahtjevima za pristup informacijama u periodu od 1.4.2024. godine do 30.6.2024. godine

Ovaj Izveštaj je dio izvršenja zakonske obaveze proizašle iz člana 17. Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/3; u daljem tekstu: Zakon).

Visoko sudsko i tužilačko vijeće Bosne i Hercegovine (u daljem tekstu: VSTV BiH) je u periodu od 1.4.2024. godine do 30.6.2024. godine, **zaprimilo 27 (dvadeset sedam) zahtjeva za pristup informacijama, te 4 (četiri) žalbe** izjavljene Žalbenom vijeću pri Vijeću ministra Bosne i Hercegovine, koje su obrađene u skladu sa odredbama navedenog Zakona. Tražene informacije odnosile su se na odredbe Zakona o VSTV-u BiH u vezi sa imenovanjem nosilaca pravosudnih funkcija, odluke o kriterijima za ocjenjivanje nosilaca pravosudnih funkcija, pravilnike o Sistemu za automatsko upravljanje predmetima u sudovima i tužilaštvima (u daljem tekstu: CMS/TCMS), upravljanje budžetima, etničku i spolnu pripadnost budućih članova VSTV-a BiH, datum razrješenja dužnosti nosioca pravosudne funkcije, snimak pripremnog ročišta, statuse i podatke iz predmeta Ureda disciplinskog tužioca (u daljem tekstu: UDT) VSTV-a BiH, Uputstvo za anonimizaciju VSTV-a BiH, tužbe koje je UDT pokrenuo i vodio protiv nosilaca pravosudnih funkcija, statističke podatke iz CMS-a i TCMS-a, izmjene u Poslovniku VSTV-a BiH, teme razmatrane od strane VSTV-a BiH i predsjednika VSTV-a BiH, podatke iz nadležnosti tužilaštva, sudova te Centra za edukaciju sudija i tužilaca u Federaciji Bosne i Hercegovine, prosječnu ocjenu sudija i tužilaca, broj imenovanih nosilaca pravosudne funkcije, kao i Politiku sigurnosti pravosudnog informacionog sistema.

Od navedenog ukupnog broja zaprimljenih zahtjeva za pristup informacijama, 23 (dvadeset tri) zahtjeva su uputila fizička lica, dok su u 4 (četiri) slučaja podnosioci zahtjeva bili novinari različitih medijskih kuća.

Pristup informacijama **odobren** je u 14 (četnaest) slučajeva, odnosno u 12 (dvanaest) slučajeva se postupalo u skladu sa članom 25. stav (1), a u vezi sa članom 26. stav (4) Zakona, dok je dodatno u 2 (dva) slučaja upućena obavijest u formi e-maila u skladu sa zahtjevom podnosioca, te je u jednom slučaju izdato rješenje kojim je odobren pristup informacijama u skladu sa presudom Suda Bosne i Hercegovine, kojom je uvažena tužba podnosioca zahtjeva te poništeno prvostepeno i drugostepeno rješenje VSTV-a BiH iz 2022. godine.

Djelomično je odobren pristup informacijama u 2 (dva) slučaja, na način da je podnosiocu zahtjeva dostavljen dio informacija, dok je u jednom slučaju za dio informacija koje su van nadležnosti VSTV-a BiH, zahtjev upućen nadležnoj instituciji na postupanje te u drugom slučaju je upućena obavijest da se na dio informacija primjenjuje obaveza zaštite i čuvanja tajni u skladu sa Zakonom o VSTV-u BiH, zbog čega je u tom dijelu zahtjeva odbijen pristup informacijama.

U navedenom periodu zaprimljena su 3 (tri) zahtjeva koja su **van nadležnosti** VSTV-a BiH, te su, shodno zakonskoj proceduri, prosljeđena nadležnim tijelima na dalje postupanje.

Pristup informacijama **odbijen** je u 3 (tri) slučaja, te je u 2 (dva) slučaja upućen **poziv za ispravku**, u skladu sa odredbama člana 23. stav (3) Zakona, odnosno člana 25. stav (2) Zakona.

U 2 (dva) slučaja je podnosiocima zahtjeva upućena obavijest da se **podnesak ne smatra zahtjevom**, u skladu sa članom 23. stav (3) i (4) i članom 26. stav (2), te je dodatno upućen poziv na ispravku budući da zahtjev nije sačinjavao sve elemente propisane zakonom. Dodatno, u 1 (jednom) slučaju upućena je obavijest da se **podnesak ne smatra zahtjevom**, u skladu sa članom 23. stav (6) i članom 26. stav (2) Zakona, budući da zahtjeva analitiku i kreiranje nove informacije.

U navedenom periodu, upućene su 4 (četiri) **žalbe Žalbenom vijeću pri Vijeću ministra Bosne i Hercegovine** (u daljem tekstu: Žalbeno vijeće), od čega su 2 (dvije) riješene na način da je Žalbeno vijeće donijelo rješenja kojim su žalbe odbijene kao neosnovane. U 1 (jednom) slučaju je izjavljena žalba na šutnju uprave, te je VSTV BiH dostavio Izjašnjenje Žalbenoj komisiji o činjeničnom stanju u spisu, uključujući i podatak da je institucija donijela rješenje po zahtjevu za pristup informacijama i prije nego je zaprimila žalbu na šutnju uprave. Rješenje Žalbene komisije u ovom predmetu još nije doneseno. Nadalje, upućena je još 1 (jedna) žalba Žalbenom vijeću koja je u toku, odnosno Žalbeno vijeće još uvijek nije postupilo po istoj.

Prema informacijama kojima raspolaže Vijeće, nije bilo inspekcijskog nadzora i registrovanih prekršaja zbog povrede prava na pristup informacijama i ponovne upotrebe dokumenta.

Sastavni dio ovog Izvještaja čini detaljni statistički pregled zahtjeva za pristup informacijama koje je VSTV BiH zaprimio u skladu sa Zakonom u formi Excel tabele.

Izvještaj sačinila:

Edisa Šikalo, službenica za informisanje

